



**PARLIAMENTARY ASSEMBLY
of Bosnia and Herzegovina**

**17. interparlamentarni sastanak,
20. i 21. maj 2015., Strasbourg**

**ZAJEDNIČKA IZJAVA
predsjedavajućih**

Na kraju 17. interparlamentarnog sastanka Evropskog parlamenta i Parlamentarne skupštine Bosne i Hercegovine, održanog u Strasbourg u 20. i 21. maja 2015. godine, dvije delegacije su:

1. Pozdravile stupanje na snagu Sporazuma o stabilizaciji i pridruživanju između EU i Bosne i Hercegovine;
2. Pozdravile činjenicu da se Vijeće izjasnilo o svom stavu o promjeni pristupa EU prema BiH, pozvale lidere u BiH da se u potpunosti posvete provođenju potrebnih institucionalnih, ekonomskih i socijalnih reformi, pozvale na transparentnost u procesu i implementiranju reformi i uključivanje civilnog društva u reformske procese; naglasile činjenicu da BiH, kao i sve druge (potencijalne) zemlje kandidati, treba biti uvjerena da će na osnovu svojih zasluga, brzina i kvalitet potrebnih reformi odrediti rok za njeno pristupanje;
3. Naglasile da Komisija treba posebnu pažnju obratiti na provođenje presude Sejdić i Finci protiv BiH kada Vijeće od nje zatraži da pripremi mišljenje o zahtjevu za članstvo u EU, pozvale Komisiju da bude spremna da pomogne u primjeni sporazuma kako bi se zagarantovala jednaka prava za sve građane;
4. Snažno podržale evropske integracije BiH, svjesni uslova za pristupanje EU, naglasile da EU treba nastojati da okupi sve donatore s ciljem pružanja podrške obnovljenom pristupu EU i efikasnoj primjeni pismene izjave;
5. Pozvale političke lidere da daju priritet uspostavljanju EU efikasnog mehanizma koordinacije, efikasnom povezivanju institucija na svim nivoima vlasti; naglasile da će bez takvog mehanizma proces pristupanja EU ostati na mrtvoj tački, posebno u pogledu približavanja zakonodavstva sa *acquis-ijem*; istakle da bi uspostavljanje takvog mehanizma otvoriti put BiH da u potpunosti koristi sredstva koja su joj na raspolaganju;
6. Naglasile potrebu za političkim reformama i demokratizacijom političkog sistema, naglasile da je ekonomski prosperitet moguć samo ako je zasnovan na demokratskom i inkluzivnom društvu i državi, podsjetile da buduće reforme trebaju uzeti u obzir principe federalizma, decentralizacije, supsidijarnosti i legitimnog zastupanja, ne preudicirajući rješenja; pozvale sve političke lidere da rade na uvođenju potrebnih promjena;
7. Pozdravile veliku nacionalnu i međunarodnu solidarnost, uključujući i Program EU za oporavak od poplava kao odgovor na prirodne katastrofe u 2014. godini, pozdravile činjenicu da je EU odmah preduzela značajne mjere za spašavanje i ublažavanje stanja;

zatražile preduzimanje efikasnih i koordiniranih preventivnih mjera na svim nivoima uključujući saradnju sa susjednim zemljama kako bi se otklonile posljedice trenutnih nepogoda te takve katastrofe spriječile u budućnosti;

8. Podsjetile da profesionalna, efikasna i sposobna javna uprava čini okosnicu procesa integracije BiH i svake zemlje koja teži da postane država članica EU;
9. Pozvale vlasti da im borba protiv korupcije postane apsolutni prioritet, s obzirom na to da još uvijek nema zadovoljavajućih poboljšanja i da korupcija utiče na sve sektore, pozvale nadležne vlasti da poboljšaju reputaciju u pogledu efikasnih istraga, optužbi i osuda u visoko rangiranim slučajevima korupcije, posebno u okviru javnih nabavki i privatizacije;
10. Pozvale lidere u zemlji da preduzmu strukturne i institucionalne reforme kojima će se, između ostalog, riješiti usklađivanje četiri različita pravna sistema, pozvale ih da razmotre preporuke Komisije, kao što su institucionalne reforme pravosuđa na državnom nivou, uključujući i usvajanje zakona o sudovima u BiH, pozvale Vijeće ministara da usvoji novu strategiju reforme pravosuđa koja je već pripremljena za borbu protiv pokušaja izborne prevare i diskriminatorne prakse;
11. Potvrdile svoju podršku liberalizaciji viznog režima, što je donijelo vidljive pozitivne efekte za građane BiH, ponovile svoju predanost očuvanju prava na bezvizni režim građana Bosne i Hercegovine prilikom putovanja, pozvale Komisiju na usvajanje mjera za održavanje integriteta bezviznog režima i rješavanje potencijalnih zloupotreba sistema azila u EU, u saradnji s državama članicama;
12. Napomenule da postoje zakonske odredbe o slobodi izražavanja, izrazile zabrinutost zbog političkog i finansijskog pritiska na medije i slučajeva prijetnji i zastrašivanja novinara i urednika, uključujući i vrijeme predizborne kampanje, naglasile da su za javne medije od suštinskog značaja stabilno i održivo finansiranje neovisno uređivanje i emitovanje programa na svim službenim jezicima i pluralizam; naglasile da su nedavni događaji izazvali zabrinutost za slobodu medija; naglasile da nedavno usvajanje kontroverznog Zakona o javnom redu i miru u Narodnoj skupštini RS-a izazivaju ozbiljnu zabrinutost za slobodu izražavanja i slobodu medija;
13. Smatraju ključnim unaprijeđenjem uloge Civilnog društva koje može doprinjeti razvoju kohezivnog i demokratskog društva pružanjem bitnih socijalnih usluga; primjećuju da je institucionalni mehanizam za saradnju sa civilnim društvom i dalje slab; pozivaju stoga na razvoj transparentnog i inkluzivnog mehanizma javnih konsultacija o svim važnim propisima kao i na usvajanje državne strategije za civilno društvo; smatraju kako predstavnici civilnog društva treba da imaju važnu ulogu pomazući proces pristupanja EU;
14. Smatraju bitnim jačanje inkluzivnog i tolerantnog BH društva; naglasile činjenicu da će civilno društvo u BiH ostati prepoznato kao ključno i nezaobilazno; pozivaju na jačanje uloge ombudsmena za ljudska prava i razvijanje u saradnji sa civilnim društvom, strategije protiv svih oblika uznemiravanja i diskriminacije;
15. Pozvale nove vlasti na državnom, entitetskom i kantonalnom nivou da usko saraduju kako bi im ekonomsko upravljanje postalo prioritet u reformama, naglasile potrebu da se dalje razvija i provodi program ekonomskih reformi; pozvale također na provedbu reformi tržišta rada kako bi se adresirala vrlo velika stopa nezaposlenosti, posebno mladih, žena te dugotrajna nezaposlenost;
16. Uzele u obzir da je BiH ostvarila mali napredak ka postizanju funkcionalne tržišne ekonomije, naglasile važnost suočavanja s konkurentskim pritiscima i tržišnim snagama,

pozvale nadležne organe da riješe slabu primjenu zakona, veliki neformalni sektor i visok nivo korupcije, što otežava poslovno okruženje;

17. Najoštrije osuđuju nasilni napad koji je izvršen 27. aprila/travnja 2015. na policijsku stanicu u istočnobosanskom gradu Zvorniku; pozvale nadležne vlasti, odgovorne sigurnosne agencije i pravosudne institucije da sarađuju u vođenju brze i detaljne istrage; izražavaju nadu da su sve institucije i građani Bosne i Hercegovine u mogućnosti spriječiti bilo kakav oblik međuetničkih tenzija;
18. Pozivaju BiH da u potpunosti uskladi svoje politike zaštite okoliša s ekološkim standardima EU;
19. Izražavaju važnost zadovoljavajućeg sporazuma o adaptaciji Privremenog sporazuma / SSP-a, uzimajući u obzir održavanje tradicionalne trgovine sa zemljama članicama EU;
20. Izrazile zabrinutost što je vanjska politika BiH predmet različitih stavova, a što je rezultiralo niskom stopom usklađenosti sa stavovima EU; podsjetila na ključnu važnost jedinstvene vanjske politike BiH; pozdravila stalnu prisutnost operacije Althea kao dio obnovljenoga mandata UN-a s težištem na izgradnji kapaciteta i obuci;
21. Pozvale vlasti da hitno poduzmu korake za postavljanje temelja za jedinstveno tržište energije u zemlji; smatra se da su potrebni hitni koraci u vezi donošenja zakonodavstva koje se odnosi na plin i snabdijevanja električnom energijom u skladu sa *acquis*; podsjetile da je potrebno da se promoviše održivo korištenje izvora energije, obnovljivi izvori energije, kao i energetska efikasnost; naglasile da vlasti moraju da poštuju pravila i odluke Energetske zajednice i uzeti u obzir EU klimatske i energetske ciljeve za 2020., 2030. i 2050.